

Ang Paghatag ug Pagpahalipay sa Iyang Kabalaan, Patriarka Kirill sa Moscow ug Tibuok Russia ngadto sa Patriarkal-Exark sa Habagatan-Sidlakang Asia, Metropolitan Sergiy sa Singapore ug Habagatan-Sidalakang Asia sa Adlaw sa Kasaulogan sa iyang Santos nga Sangay.

Imong Kahalangdon!

Kinasing-kasing ko nga ginapaabot ang akong pagpahalipay sa adlaw sa kasaulogan sa imong santos nga sangay.

Sa imong pagbaton kang San Sergiy, Hegumen sa Radonezh isip imong langitnong tigpanalipod, ikaw naningkamot sa pagsundog kaniya diha sa imong kadasig sa pagpangalagad sa Balaang Simbahan.

Makalipay gayod pamalandungon nga sa imong pag-atiman sa mga diyosesis ug mga parokya sa mga nasod sa Habagatan-Sidlakang Asia nga kabahin sa Exarkado-Patriarkal, ikaw naglihok ug sobra alang sa han-ay nga pag-organisa ug pagpalambo sa kinabuhing-simbahanon niining kabilin sa Dios.

Ako mainampuong nanghinaot nga ikaw magpadayon sa paglihok nga madasigon ug makugihon, isip gilig-on diha sa Ginoo ug diha sa gahom sa Iyang kusog (Ef. 6:10).

Hinaot nga ang Labing Makagagahom nga Ginoo sa Langit ug Yuta magtipig kanimo sa maayong panglawas sa daghan pang katuigan.

Uban ang pagihgugma kang Kristo,

+KIRILL, PATRIARKA SA MOSCOW UG TIBUOK RUSSIA